

寄浙東韓又評事

元和郡縣志：越州，浙東觀察使理所。唐書宰相世系表：韓又，定遠令。百官志：大理寺評事從八品下。按國史補云：江淮客劉圓嘗謁江州刺史崔沆，稱前拾遺，沆引坐，徐勸曰：諫官不可自稱，司直評事可矣。則知唐人所稱官位多假借，不足據也。

一笑五雲谿上舟

南齊書張融傳：吾生平所善，自當凌雲一笑。太平寰宇記：越州會稽縣若邪谿，在縣東南二十八里，唐吏部侍郎徐浩游之云：曾子不居勝母之間，吾豈游若邪之谿，

遂改爲五雲之谿。唐書藝文志：范曄雲谿友議三卷，咸通時，自稱五雲谿人。

跳丸日月十經秋

韓愈詩：日月如跳丸。

鬢衰酒減欲誰泥？

迹辱魂慚好自尤！夢寐幾回迷蛺蝶

莊子：昔者莊周夢爲胡蝶，栩栩然胡蝶也；俄而覺，則遽遽然周也。不知周之夢爲胡蝶與？胡蝶之夢爲

周與？埤雅：蛺蝶，一名胡蝶。

文章應廣昨牢愁

漢書揚雄傳：作書旁惜誦以下至懷沙一卷，名曰昨牢愁，贊其意，欲求文章成名於後世。

無窮塵土無

聊事

魏書爾朱世隆傳：屋中有一板牀，牀上無席，大有塵土。李陵答蘇武書：與子別後，益復無聊。

不得清言解不休

晉書樂廣傳：廣善清言而不長于筆。

泊秦淮

通鑑晉紀注：秦淮，在今建康上元縣南三里，秦始皇時，望氣者言：金陵有天子氣，使鑿山爲瀆，以斷地脈，故曰秦淮。或云：淮水發源屈曲，不類人工。

煙籠寒水月籠沙

淮南子：天之所閉也，寒水之所積也。庾信小園賦：荊軻有寒水之悲。

夜泊秦淮近酒家

晉書衛恆傳：或時不持錢，詣酒

家飲。商女不知亡國恨，陳書後主紀論：古人有言：亡國之主多有才藝，考之梁陳及隋，信非虛論。呂氏春秋：亡國戮民，非無樂也，不樂其樂。隔江猶唱後

庭花！舊唐書音樂志：前代興亡，實由于樂。陳將亡也，爲玉樹後庭花；齊將亡也，而爲伴侶曲，行路聞之，莫不悲泣，所謂亡國之音也。按：沈氏炳震曰：按通典：齊將亡也，爲伴侶行路難，聞之莫不悲

泣。則行路難亦樂府名也。書少一難字，則行路字屬聞之上矣。然觀太宗語：今三曲俱存。既云三曲，玉樹後庭花一曲也；伴侶曲二曲也；行路難三曲也，似應從通典。考通鑑唐紀作齊之將亡，作伴侶曲；陳之將亡，作玉樹後庭花，其聲哀思，行路聞之云云：其下載太宗語，直作今二曲具存。自據舊書爲說。又唐書武平一傳云：昔齊衰有行伴侶；陳滅有玉樹後庭花云云：疑有脫誤。

### 秋浦塗中

蕭蕭山路窮秋雨，元和郡縣志：池州秋浦縣烏石山，在縣西一百四十里。劉向九歎：秋風瀏瀏以蕭蕭。駱賓王詩：山路猶南屬。庾肩吾詩：秋雨蒙重嶂。淅淅谿

一作風一岸蒲。元和郡縣志：秋浦縣貴池，在縣西七里；秋浦水在縣西八十里。謝惠連詩：淅淅振條風。杜甫詩：谿風爲颯然。崔顥詩：江風晚漸涼。埤雅：蒲，水草也，似莞而編有脊，生于水涯。

爲問寒沙新到雁，范雲詩：寒沙四面平。來時還下。一作杜陵無？三輔黃圖：漢宣帝杜陵，在長安城內。

題桃花夫人廟  
原注：卽息夫人。一統志：漢陽府桃花夫人廟，在黃陂縣東三十里，唐杜牧有題桃花夫人廟詩，卽息夫人也。